

Daxmeh Gou

我的妈妈

德保县隆桑中心校五年级 李彭妃

Daxmeh go gig sang, mbouj biz mbouj reuq, gwnz najbyak de miz geij diuz nyaueq iq, aennaj de ciengzseiz riu.

Daxmeh gou gig simndei. De ciengzseiz gyauyuz gou naeuz: Guh vunz au lauxsaed, doiq vunz au simndei.

Miz gienh saeh ndeu hawj gou lumz mbouj liux. Miz ngoenz ndeu, mbwn gig ndat, daengngoenz lumj aen giuzfeiz nei coemh gwnzdieg. Gou youq ndawfuengz sij cozyez, gou mienh sij mienh dawz beiz vad, hoeng gwnzndang lij hanh lae mboujdingz. Gou doiq daxmeh naeuz: "Daxmeh, dienheiq ndat ndaej yaek au mingh gou lo, gou siengj gwn sietdiuz." Daxmeh naeuz: "Byaij, gou daiq mwngz bae cawx!"

Daengz dieg gai sietdiuz, gou leh au caet gaiq sietdiuz, daxmeh daj ndaw daehyaem dawz ok mbaw 50 maenz ngaenz ndeu ndenq hawj boux daxau gai sietdiuz haenx, daxau doiq liux ngaenz, gou caeuq daxmeh bibuengq dauqma ranz lo.

Ma daengz ranz, daxmeh dawz ngaenz okdaeuj yawj, de gag gangj gag naeuz: "Mbouj dwg ha! Yungh bae caet maenz, baenzlawz lij lw 45 maenz ne?" Gou gig angq, naeuz: "Daxmeh, daiq ndei lo! Daxau haenx doiq hawj mwngz lai song maenz lo, song maenz neix hawj gou yungh ba!" Daxmeh caengz gou da ndeu,



fatheiq naeuz: "Song maenz neix gou wnggai soengq dauqbae hawj boux daxau haenx couh dwg, raeuz mbouj naengz dam' au gij cienz gip ndwi haenx! Caiq naeuz, vunz guh gaicawx mbouj yunzheih ha!" Gangj sat, daxmeh sikhaek buet ok dou bae, soengq song maenz ngaenz bae hawj daxau haenx lo.

Gienh saeh neix hawj gou mingzbeig: Guh vunz au daj saeh iq guh hwnj, mbouj naengz raen ngaenz da hai, guh vaihsaeh.

Gou gyae daxmeh gou, gou daj ndawsim fug de.

(指导老师:李金帅)

Yawj 《Siujbingh Cangh Gaj》 Le

《小兵张嘎》观后感

上林县大丰镇皇周小学三年级二班 蓝海涛

Youq Gangyiz Cancwngh seiz, miz boux cinhcazyenz iq ndeu heuh Cangh Gaj. Cangh Gaj dwg boux lwgnyez maenh' ak, coengmingz, hozboz, catheiq ndeu. Youq baez candou ndawde, yungh ndaek cungqfaex Cwnz Gangh boh' au soengq hawj de haenx, bae yaeuh Cai Dwngz baj cungq caen ndeu. Yungh gij coengmingz de gouq Laujcong boh' au okdaeuj, hix bang daxbuz ndeu bauqcaez, dawz dizyinz cienzbouh hoenx dai bae. Youq candou gezsuz le, Cenz duicangj cingqsik senhbu baj cungq haenx couh fat hawj de yungh. De angq raixcaix, lienz fan geij baez dingjdaeuj.

Cangh Gaj dwg boux siuj yinghyungz coengmingz lingzleih ndeu, cawjeiq gig lai. Viuhliux mied dizyinz, mbouj lau dai, lij bang mehmbwk dwzbaiyenz Liuz

Yen cienz cingzbau. Yungh aen uk coengmingz de, fatyienh gyaj dwzbaiyenz, leihyungh gij geiqmaez diuh guk liz bya haenx, hai maxci hoengq yinx dizyinz deuz bae, hawj gij yw ndaej cwnzgunggh senjdeuz, vih Bazluginh laeb le haujlai goenglauz.

Gou yawj 《Siujbingh Cangh Gaj》 sat le, hawj gou rox haujlai dauhleix, hawj gou rox Gangyiz yinghyungz guh gij dwgrengz haenx. Cangh Gaj yienznaeuz dwg boux yinghyungz lwgnyez cozyah gag siengsieng okdaeuj haenx, hoeng gij yijyenz, hengzdoengh caeuq cingsaenz de, hawj raeuz bae yozsiz. Yienghneix gou engq au roengzrengz yozsiz, hag bonjlingj ndei bae, vih guekcoj lai gungyen gij ligliengh cihgeij.

(指导老师:蓝卫松)

Gag Byaij Henzdah Cinh Va

江畔独步寻花

Seizcin daeuj lo, ndit menhmenh saj youq gwnzdieg, rumzcine raeurubrub, liuxdiuz neuznetnet buengqfengfeng, doengh gomiuz hix ngauznged aen ndang gyaundeigyoengqde.....

Vaduj, cungj doxgaiq sam nyied neix, beij ndit engq cigciep, engq haenq, lumj gyoengq sau iq ngamq baenz sau yaek ra youx nei, caenx youq henz roen dinghcwld cajdeq, yawjmuengh duzngaeuz ndaw fangzhwnz loq haenx.

Mwngz yawj: Duj he, song duj, cien duj, fanh duj.....Gij yienghsiengq yienghneix roxnaeuz yienghaenx, foenfoen mbehai gij saekcaij seizcin. Diuz loh iq raezrangrang haenx, deng raq dem raq varang cimq dwk. Gyauej nye dauqdae caen dingj mbouj ndaej gij gyaundeinaekgywggwyg haenx, haenqrengz dingj liux caiq dingj, doeklaeng mbouj ndaej mbouj gungj aenhwet roengz. Seizneix, douhough yiengj nget sing ndeu, simjseiq ranz Vangz youzyed byaij okdaeuj. Naj de miz di launyaenq, neix mbouj couh dwg ndaw seizcin dujva ceiq launyaenq he ma?

Mwngz yawj: Geij duz mbungqmbaj dingj mbouj ndaej gij gyaundeiciunyx, mbinfege gvaqdaeuj. Youq gwnz duj neix mup mbat he, youh bae gwnz duj haenx cup mbat he, lij mbouj rox cihgeij yaek au duj lawz ndei, cijndei gvaengzgvax youq ndaw va, mbin bae mbin dauq, fouxyegyeg. Gij foux gyaundeigyoengqde, rox dajhai aensim gyoengq vaduj lwi?

Mwngz dingq: Sing roeg heuh he daj ndaw va dek okdaeuj, roeghenj nyaenx mbouj ndaej hai bak ciengq go, cwxcaih dwk cieng gij go de gaenq cunjbei gig nanz haenx, singgo sekrwenz ndeidingq, beng hai gaiq baengzmuq seizcin lo.

(Yiz Li)



Goj Gou Caeuq Coenz Vah Mizmingz

我和名言的故事

Gou doeg gvaq coenz vah ndaw saw mizmingz ndeu: "Saw dwg mbaeklae bouxvunz cinbu". Coenz vah neix dwg Gauh' wjgih gangj. Gou doiq coenz vah neix dwg baenzneix lijgaij: Swhgeij doegsaw lai cihsiz cij lai, ukgyaeuj cij ndaej cungsaed, bouxvunz cij ndaej cinbu.

Ciuhgeq ndaw guek rog guek miz haujlai vwnzyozgyah dwg aenvih gaenx doeg ndaej baenzcaiz, Gauh' wjgih couh dwg ndawde boux ndeu.

Gauh' wjgih dwg vwnzyozgyah gaxgonq Suhlenz, mwh de lij iq, ndaw ranz cibfaen gungzhoj, fouzfap haeujhag doegsaw, cijndei okbae ra dajgoeng. Aenvih de haengj doegsaw, ciengz deng laujbanj fokndaq.

Hoeng de lij ciuqyiengh genhciz doegsaw, de ciengzseiz soucomz youzlab ranz laujbanj ndik doek gwnz namh haenx guhbaenz aen daengyouz he, haemhnaengz gyanghwnz, de cungj hwnqdaeuj doegsaw. Ngoenz doek ngoenz, bi doek bi, daengzlaeng baenz boux vwnzyozgyah daengx seiqgyaiq riuzmingz ndeu.

Doeg sat cit goj Gauh' wjgih neix, gou engqgya mingzbeig gij hamzeiq coenz vah mizmingz neix lo, doegsaw ndaej fungfouq cihsiz duhraeuz, vih gij moenghsiengj cap hwnj doiq fwed ndeu.

Gou gyaez coenz vah mizmingz neix—Saw dwg mbaeklae bouxvunz cinbu.

(seiq nienzgaep Vangz Suiyij)